



Ned ka be sēn na n tum zūnuuba, rē poorē n yik n yilge, rē poorē n puuse, rē poorē t'a kos Wēnd yaafa, rēndame ti Wēnd yaaf-a

Yii a 'Ali nengē, a yeelame, mam rag n yaa ned ti mam sā n wum Wēnd Tēn-tuumā nengē (Wēnd puusg la A tigr be a yīnga) hadiisa, Wēnd nafda maam sēn yi hadiisā pugē, a sēn tull būmb ninga, maa A naf maam ne-a, la ned sā n yēs maam sēn yi a sahaabsē wā, m kitedame t'a wēene, t'a sā n wēen ti Nabiyaamā n yeele, m kōt-a-la sīda. La ad a Abuu Bakr togsa maam, la a Abuu Bakr yeel sīda, a yeelame: m wuma Wēnd Tēn-tuumā (Wēnd puusg la A tigr be a yīnga) t'a yetē: «Ned ka be sēn na n tum zūnuuba, rē poorē n yik n yilge, rē poorē n puuse, rē poorē t'a kos Wēnd yaafa, rēndame ti Wēnd yaaf-a», rē poorē t'a karem Aayar-kāngā {La neb nins ti b sā n tum wēnga maa b wēga b mense, b tēegda Wēnd yelle n kos b zūnuubā yaafa} [Aalu 'lmraane: 135].

[Naṣuṣ Ṣaḥiḥuṣ (Gom-sikdem sēn manege)] [A Abuu Daawuud la a At-tirmiiziyy la a An-nasaa'iy Al-kubraa wā pugē la a Ibn Maağa la a Ahmad]

Nabiyaamā (Wēnd puusg la A tigr be a yīnga) kōo kibare, ti yamb ka be sēn na n maan zūnuuba, n maneg n yōk koom sōma, rē poorē n yik n puus rakaar a yiibu, t'a Anniyy wā yaa sēn na n tuub n yi zūnuub-kāngā, rē poorē t'a kos Wēnd yaafa, rēndame ti Wēnd yaaf-a. Rē poorē ti Nabiyaamā, (Wēnd puusg la A tigr be a yīnga), karem Wēnd koεeg sēn yeele, (A Naam zēkame): {La neb-nins ti b sā n tum wēnga maa b wēga b mense, b tēegda Wēnd yelle n kos b zūnuubā yaafa, la yaa ānd n yaafd zūnuub zēng sēn pa Wēnde? La b pa nadgd ne b sēn tum-a la b mi t'a yaa yook ye} [Aalu 'lmraane: 135].

<https://sunnah.global/hadeeth/mos/show/65063>

